

Жума намози мусулмонлар байрами

Image not found or type unknown



11:00 / 02.12.2022 4225

هُجُلَا ىلَّصِه لَل لُوسَر رُتْعَمَس : لَاقُ هُنَّ هُجُلَا ى صَرْمَ اَلَسْر نَبِه لَل لَدْبَع نَع
ىرَتَشَا وُلْمُ كَدَحَا ىلَّعَام : هُجُلَا مَوِي ى فَرَبْنَم لَ ىلَّع لُوقِي مَّ لَسَو هُجُلَا ىلَّع
دُوَاد وُبَّ اُو هَجَامُنْ بَا هَاوَر هَتَن هَم بَوَث ى وَس هُجُلَا مَوِي لَدْنِي بَوَث

Абдуллоҳ ибн Салом розияллоҳу анҳудан ривоят қилинади:

«Расулуллоҳ соллаллоҳу алайҳи васалламнинг Жумъа куни минбарда туриб:

«Бирортангиз Жума куни учун меҳнат кийимидан бошқа икки кийим сотиб олса, қандай ҳам яхши бўлар эди», деганларини эшитдим».

Ибн Можа ва Абу Довуд ривоят қилганлар.

Бу ҳадиси шарифдан ҳар бир мусулмон киши Жума куни намозга кийиб бориш учун янги ва яхши кийим қилиб қўйиши марғуб эканлигини билиб оламиз.

Иш кийими билан Жумага бориш яхши эмас. Одам ишлаганда терлайди, кийимига турли нарсалар тегади, булар эса турли нохуш ҳидлар тарқалишига сабаб бўлади.

Жума намози эса ҳафталик байрам, мусулмонлар жамоаси тўпланадиган маросимдир. Унда манзара ҳам, ҳидлар ҳам гўзал бўлиши керак. Бу ҳолат эса ҳар бир инсон Жумага алоҳида яхши кийим кийиб борганида юзага келади. Шунинг учун Жума намозига ғусл қилиб, озода кийимларни кийиб боришни одат қилишимиз лозим.

«Ҳадис ва ҳаёт» китоби асосида тайёрланди